



池上詩人

郡人劉廷鑿編

同學吳應夢較



七言律詩

張祐

和杜牧之齊山登高

秋溪南岸菊霏霏  
急管繁絃對落暉  
紅葉樹深山逕  
斷碧雲江淨浦帆稀  
不堪孫盛嘲時笑  
願送王洪醉  
夜歸流落正憐芳  
意在砧聲徒促授  
寒衣

感王將軍柘枝妓歿

寂寞春風舊柘枝  
舞人休唱曲休吹  
鴛鴦鈿帶拋何處  
孔雀羅衫付阿誰  
畫鼓不聞招節拍  
錦靴空想挫腰支  
今來坐上偏惆悵  
曾是堂前較徹時

題干越亭

扁舟亭下駐烟波  
十五年遊重此過  
洲嘴露沙人渡淺  
樹梢藏竹鳥啼多  
山銜落照歌紅蓋  
水蹙斜紋卷綠羅  
腸斷中秋正圓月  
夜來誰唱異鄉歌

愛妾換馬

綺閣香銷華厩空  
忍將行雨換追風  
休憐柳葉雙眉

綠却愛桃花兩耳紅  
侍宴永辭春色裏  
趁朝休立漏聲中  
恩勞未盡情先盡  
暗泣西風兩意同

哭京兆龐尹

楊子津頭昔共迷  
一爲京兆隔雲泥  
故人昨日同時弔  
舊馬今朝別處嘶  
向壁愁眉無復畫  
扶牀稚齒已能啼  
也知世路名堪貴  
誰信莊周物調齊

寄獻蕭相公

詩中干一作山  
興一作相

東去江干是勝遊  
鼎湖興望不堪愁  
謝安近日違朝旨  
傳說當時允帝求  
暫向聊城飛一箭  
長爲滄海繫



扁舟分明此事無人見白首相看未肯休

揚州法雲寺雙檜

詩中南一作圖戶一作殿  
檜一作廊縱使一作從此

終借暫時一作  
終是借君

謝家雙植本南榮樹老人亡地變更朱頂鶴知深蓋  
偃白眉僧見小枝生高臨月戶秋雲影靜入風檐夜  
雨聲縱使百年為上壽綠陰終借暫時行

觀杭州柘枝

舞停歌罷鼓連催軟骨纖蛾暫起來紅罨畫衫纏腕  
出碧排方胯背腰旁收拍拍金鈴擺却踏聲聲錦

初推看着遍頭香袖摺粉屏香帕又重隈

周員外席上觀柘枝

畫鼓拖環錦臂攘小娥雙換舞衣裳金絲蹙霧紅衫  
薄銀蔓垂花紫帶長鸞影乍迴頭對舉鳳聲初歇翅  
齊張一時歛腕招殘拍斜斂輕身拜玉郎

觀楊媛柘枝

促疊蠻鼉引柘枝卷檐虛帽帶交垂紫羅衫宛蹲身  
處紅錦靴柔踏節時微動翠蛾拋舊態緩遮檀口唱  
新詞看看舞罷輕雲起却赴襄王夢裡期



病宮人一刻哀不約作

佳人卧病動經秋  
簾幕縈繆不挂鉤  
四體強扶藤夾膝  
雙鬟慵插玉搔頭  
花顏有幸君王問  
藥餌無徵待詔愁  
惆悵近來銷瘦盡  
淚珠時傍枕函流

和杜使君見寄

孤城高柳鳴曉鴉  
風簾半鈎清露華  
九峯聚翠宿危檻  
一夜孤光縣冷沙  
出岸遠暉帆欲落  
入谿寒影鴈差斜  
杜陵歸去春應早  
莫厭青山謝眺家

費冠卿

酬范中丞見惠

花宮柳陌正從行  
紫袂金鞍問姓名  
戰國方須禮干木  
康時何必重侯嬴  
捧將束帛山僮喜  
傳示銀鈎邑客驚  
直爲雲泥相去遠  
一言知己殺身輕

閑居即事 一作隱居即事

生計惟將三尺僮  
學他賢者隱牆東  
炤眠夜後多因月  
掃地春來祇籍風  
幾處旌旗驅戰士  
一園春草伴衰翁  
子房仙去孔明死  
更有何人解指蹤

夏鴻

贈和龍妙空禪師

翰林遺跡鏡潭前  
孤峭高僧此處禪  
出爲信門興化日  
坐當吾國太平年  
身同瑩徹尼珠淨  
語並鋒銳慧劍堅  
道果已圓名已遂  
即看千匝繞香筵

盧嗣立

望九華山

九華深翠落軒楹  
迥眺澄江氣象明  
不遇陰霾孤岫隱  
正當寒日衆峰呈  
坐觀松雪銷煩思  
惜別烟嵐駐曉行  
得路歸山期早訣  
夜來潛已告精誠

孟遲

寄浙右幙中

遲陳商門生爲浙西掌書記以讒罷至淮南崔相國秦掌書記後以詩寄浙右幕中

由來惡舌駟難追  
自古無媒謗所歸  
勾踐豈能容范蠡  
李斯何暇救韓非  
巨拳豈爲鷄揮肋  
強弩那因鼠發機  
慚愧故人同鮑叔  
此心江柳尚依依

武瓘

九日衛使君筵上作

佳晨登賞喜還鄉  
謝宇開筵前興長  
滿眼黃花初泛酒  
隔煙紅樹欲迎霜  
千家門戶笙歌發  
十里江山白鳥翔  
共賀安人豐樂歲  
幸陪珠履侍銀章

杜荀鶴

旅泊遇郡中叛亂示同志

握手興悲誰敢言  
軍家刀劍在腰邊  
遍搜寶貨無藏處  
亂殺平人不怕天  
古寺折爲修寨木  
荒墳開作斃城塼  
郡侯逐出渾閒事  
正是鑿輿幸蜀年

贈秋浦張明府

君爲秋浦三年宰  
萬慮關心兩鬢知  
人事旋生當路縣  
吏才難展用兵時  
農夫背上題軍號  
賈客船頭插戰旗  
他親知問官况  
但教吟取杜家詩

對雪

風攬長空寒骨生  
先於曉色報牕明  
江湖不見飛禽影  
巖谷惟聞折竹聲  
巢穴幾多相似處  
路岐兼得一般平  
擁袍公子休言冷  
中有樵夫跣足行

題廬嶽劉處士草堂

仙境閒尋採藥翁  
草堂留話一宵同  
若看山下雲深



處直是人間路不通泉泛藕花來洞口月將松影過  
溪東求名心在閒難遂明日馬蹄塵土中

山中寄友

山深長恨少同人覽景無時不憶君庭果自從霜後  
熟夜猿頻向屋邊聞琴臨秋水彈明月酒就東山酌  
白雲仙桂筭攀攀合得平生心力盡於文

秋宿臨江驛

南來北去二三年去年來兩鬢斑舉世盡從愁裡  
老誰人肯向死前閒漁舟火影寒歸浦驛路鈴聲夜

過山身事未成歸未得聽猿鞭馬入長關

題瓦棺寺真上人院矮檜

天生仙檜是長才栽檜希逢此最低一別舊山來砌  
畔幾番凡木與雲齊迥無斜影教僧踏免有閒枝引  
鶴棲今日偶題題似著不知題過更誰題

江上初秋寓泊

濛濛煙雨蔽江村江館愁人好斷魂自別家來生白  
髮爲侵星起謁朱門也知柳欲開春眼爭柰萍無入  
土根兄弟無書雁歸北一聲聲叫苦於猿

投從叔補闕

吾宗不謁謁詩宗常仰門風斷國風空有篇章傳海  
內更無親族在朝中其來雖愧源流淺所得須憐雅  
頌同三十年吟到今日不妨私薦亦成公

贈張員外兒

張公一子才三歲聞客吟聲便出來喚物舌頭猶未  
穩誦詩心孔迥然開天生便是成家慶年長終爲間  
世才月裏桂枝如有分不勞諸丈作梯媒

重陽日有作

一爲重陽上古臺亂時誰見菊花開偷搗白髮真堪  
笑牢鎖黃金寶可哀是箇少年皆老去爭知荒塚不  
榮來大家拍手高聲唱日未西沉且莫回

入關寄九華友人

坐床難穩露蟬新便作東西馬上身醲酒却輸耽睡  
客好山翻對不吟人無多志氣禁離別強半年光屬  
苦辛篋裡篇章頭上雪未知誰戀杏園春

送李鐔遊新安

邯鄲李鐔才崢嶸酒狂詩逸難干名氣直不與兒輩



冷醉來擬共天公爭孤店夜燒枯葉坐亂時秋踏早  
霜行一間茅屋住不穩剛出爲人平不平

冬末自長沙遊桂嶺留獻所知

家隔重湖歸未期更堪南去別深知前程笑到山多  
處上馬愁逢歲盡時四海內無容足地一生中有苦  
心詩朱門祇見朱門事獨把孤寒問阿誰

送福昌周繇少府歸寧兼謀隱

少見古人無遠慮如君真得古人情登科作尉官雖  
小避世安親祿已榮一路水雲生隱思幾山猿鳥任

吟聲知君未作終焉計要著文章待太平

賀顧雲待御與子弟奏官勅下時年三歲

青桂朱袍不賀兄賀兄榮是見兒榮孝經始向堂前  
讀官誥先從幕下迎戲把藍袍包果子嬌將竹筍惱  
先生自慚亂世無知己弟侄鞭牛傍隴耕

每行即事

年少鬢鬚雪欲侵別家三日幾般心朝隨賈客憂風  
色夜逐漁翁宿葦林秋水露飛紅蓼晚暮山猿叫白  
雲深重陽酒熟菜萸紫却向江頭倚棹吟



亂後山居

亂後移家擬傍山  
今來方辦買山錢  
九州有路休爲客  
百歲無愁即是仙  
野叟並田鋤暮雨  
溪禽同石立寒煙  
他人似我還應少  
如此安貧亦荷天

山居寄同志

茅齋深僻絕輪蹄  
門徑綠莎細接溪  
垂釣石臺依竹壘  
待賓茶竈就巖泥  
風生谷口猿相叫  
月照松頭鶴並棲  
不是無端過時日  
擬從牕下躡雲梯

將入關安陸遇寇

家貧無計早離家  
離得家來蹇滯多  
已是數程行雨雪  
更堪中路阻兵戈  
幾州戶口看成血  
一旦天心却許和  
四面烟塵少安處  
不知吾土自如何

夏日登友人書齋林亭

暑天長似秋天冷  
帶郭林亭盡不如  
蟬噪檻前遮日竹  
鷺窺池面弄萍魚  
拋山野客橫琴醉  
種藥家僮踏雨鋤  
衆惜君才堪上第  
莫因居此與名踈

寄臨海姚中丞

夏辭旌旆已秋深  
永夕思量淚滿襟  
風月易斑搜句

鬢星霜難改感恩心尋花洞裏連春醉望海樓中徹  
曉吟雖有夢魂知處所去來多被角聲侵

秋日閒居寄先達

到頭身事欲何爲  
牕下工夫鬢上知  
乍可百年無稱意  
肯教一日不吟詩  
風驅新雁衝湖色  
雨挫殘蟬點柳枝  
自古書生也如此  
獨堪惆悵是明時

贈覺禪和尚

少見修行得似師  
茅堂佛像亦隨時  
禪衣袖後雲藏線  
夏臘高來雪映眉  
耕地戒侵連塚上  
伐薪教護帶

巢枝有時問著經  
中事却道山僧總不知

感秋

年年名路謾辛勤  
襟袖多霑馬上塵  
畫戟門前難作客  
釣魚船上易安身  
冷煙粘柳蟬聲老  
寒渚澄星雁叫新  
自是儂家無住處  
不關天地窄於人

題德玄上人院

割得心來忙處閒  
閒中方寸濶於天  
浮生自是無空性  
長壽何曾有百年  
罷定磬敲松罅月  
解眠茶煮石根泉  
我雖未似師披衲  
此理同師悟了然

春日山居寄友人

野吟何處最相宜  
春景暄和好入詩  
高下麥苗新雨後  
淺深山色晚晴時  
半巖雲脚風牽斷  
平野花枝鳥踏垂  
倒戟干戈是何日  
近來麋鹿欲相隨

懷廬嶽舊隱

一別三年長在夢  
夢中時隔石稜層  
泉聲入野方堪聽  
山色逢秋始好登  
巖鹿慣隨鋤藥叟  
溪鷗不怕洗苔僧  
人間有許多般事  
求要身閑直未能

投裴侍郎

此身雖賤道長存  
非謁朱門謁孔門  
祇望至公將卷讀  
不求朝士致書論  
垂綸雨結漁鄉思  
吹木風傳鴈夜魂  
男子受恩須有地  
平生不受等閒恩

和友人見題山居

避時多喜葺居成  
七字君題萬象清  
開戶曉雲連地白  
訪人秋月滿山明  
庭前樹瘦霜來影  
洞口泉噴雨後聲  
有景供吟且如此  
筭來何必躁於名

獻長沙王侍御

文星漸見射台星  
皆仰爲霖沃衆情  
天澤逼來逢聖



主詞林盛去得書生雲粧嶽色供吟景月皓湘流遞  
政聲美化事多難諷誦未知耕釣可分明

夏日登樓遇雨

忽地晴天作雨天全無暑氣似秋間看看水沒來時  
路漸漸雲藏望處山風趁鷺鷥雙出葦浪催漁父盡  
歸灣一心準擬閒登眺却被詩情使不閒

春日行次錢塘却寄台州姚中丞

豈謂無心求上第難安帝里爲家負江南江北閒爲  
客潮去潮來老却人兩岸雨收鶯語柳一樓風滿角

吹春花前不獨垂鄉淚曾是朱門寄食身

投崔尚書

此生何路出塵埃猶把中才謁上才閉戶十年專筆  
研仰天無處認梯媒馬前霜葉催歸去枕上邊鴻喚  
覺來若許登門換髻鬢必因辛苦事風雷

書事投所知

古陌寒風來去吹馬啼塵旋上麻衣雖然干祿無休  
意爭奈趁時不見機詩思趁雲從岳涌鄉心隨鴈繞  
湖飛肯將骨肉輕離別未遇人知未得歸

秋日湖外書事

十五年來筆硯功，祇今猶在苦貧中。  
三秋客路湖光外，萬里鄉關楚邑東。  
烏迳杖藜山翳雨，猿林歌枕樹搖風。  
朱門處處若相似，此命到頭通不通。

題宗上人舊院

此院重來事事乖，半欹茅屋草侵階。  
啄生鴉憶啼松杙，接果猿思嘯石崖。  
壁上塵粘蒲葉扇，床前苔爛笋皮鞋。  
分明記得談空日，不向秋風更愴懷。

亂後出山逢高員外

自從亂後別京關，一入烟蘿十五年。  
重出故山生白髮，却裝新卷謁清賢。  
牕回旅夢城頭角，柳結鄉思雨後蟬。  
名姓暗投心暗祝，永期收拾向門前。

送友人罷舉赴交趾辟命

罷却名場擬入秦，南行無罪似流人。  
縱經商嶺非馳驛，須過長沙弔逐臣。  
舶載海奴環錘耳，象馳蠻女綵纏身。  
如何待取丹霄桂，別赴嘉招作上賓。

山中寡婦

夫因兵死守蓬茅，麻苧衣衫鬢髮焦。  
桑柘廢來猶納



稅田園荒後尚徵苗時挑野菜和根煮旋斫生柴帶  
葉燒任是深山更深處也應無計避征徭

訪蔡融因題

杖藜時復過荒郊來到君家不忍拋每見苦心修好  
事未嘗開口怨平交一溪寒色漁收網半樹斜陽鳥  
傍巢必若天工主人事肯教吾子委衡茅

閑居書事

竹門茅屋帶村居數畝生涯自有餘鬢白祇應秋鍊  
句眼昏多爲夜抄書雁驚風浦漁燈動猿叫霜林橡  
實踈待得功成即西去時清不問命何如

和友人贈舍弟韻

吾家此弟有何知多媿君親教作詩不覺裹頭成大  
漢昨來竹馬作童兒祇緣世遇兵戈鬧常恐身修禮  
樂遲及見和詩詩更好碣門不到更何時

贈元上人

多少僧中僧行高偈成流落遍僧一經窻月靜灘聲  
到石逕人稀蘚色交垂露竹粘蟬落殼穿雲松載鶴  
棲巢煮茶童子閑勝我猶得依時把磬敲



亂後逢村叟

經亂衰翁居破村村中何事不傷魂  
因供寨木無桑柘爲藉鄉兵絕子孫  
還似平寧徵賦稅未嘗州縣畧  
安存至於雞犬皆星散日落前山獨倚門

下第東歸道中作

一回落第一寧親多是途中過却春  
心火不銷雙鬢雪眼前難濯滿衣塵  
苦吟風月惟添病遍識公卿未免貧  
馬壯金多有官者榮歸却笑讀書人

夏日留題張山人林亭

此中偏稱夏中遊時有風來暑氣收  
澗底松搖千尺雨庭中竹撼一牕秋  
求猿句寄山深寺乞鶴書傳海畔洲  
閒與先生話身事浮名薄宦總悠悠

傷病馬

此馬堪憐力壯時細勻行步恐塵知  
騎來未省將鞭觸病後長教覓藥醫  
顧主強擡和淚眼就人輕刷帶  
瘡皮祇今筋骨渾全在春暖莎青放未遲

館舍秋夕

寒雨瀟瀟燈焰青燈前孤客若爲情  
兵戈開日別鄉

國鴻雁過時思弟兄冷極睡無離枕夢苦多吟有徹  
雲聲出門便作還家計直到如今計未成

送僧赴黃山沐湯泉參禪宗長老

聞有湯泉獨去尋一瓶一鉢總無金不愁亂世兵相  
害却喜寒山路入深野老禱神鴉噪廟獵人衝雪鹿  
驚林思身是幻逢僧主水洗皮膚雨洗心

哭山友

十載同棲廬嶽雲寒燒枯葉夜論文在生未識公卿  
面至死不離麋鹿群徒見蓬蒿叢壞屋長憂雨雪透

荒墳把君詩句高聲讀想得天高也合聞

獻池州牧

池陽今日似漁陽天變凶年作小康江路靜來多客  
貨郡城安後絕戎裝分開野色收新麥驚斷鶯聲摘  
嫩桑縱有逋民歸未得遠聞仁政旋還鄉

送韋書記歸京

韋杜相逢眼自明事連恩地倍牽情閒歸帝里愁攀  
送知到師門話姓名朝客半修前輩禮古人多重晚  
年榮從來有淚非無淚未似今朝淚滿纓

獻鄭從事

化行邦域二年春  
樵唱漁歌日日新  
未降詔書酬善政  
不知天澤荅何人  
秋登嶽寺雲隨步  
夜晏江樓月滿身  
他日朱門恐難掃  
沙堤新築必無塵

贈休禪和

爲僧難得不爲僧  
僧戒僧儀未是能  
弟子自知心了  
了吾師應爲醉騰騰  
多生覺悟非關袖  
一點分明不在燈  
祇道詩人無佛性  
長將二雅入三乘

送李先輩從軍塞上

去草軍書入帝鄉  
便從城外學戎裝  
好隨漢將收明土  
莫遣胡兵近漢疆  
洒磧雪粘旗力重  
凍河風揭角聲長  
此行也是男兒事  
莫向征人恃桂香

和友人送弟

君說無家祇弟兄  
此中言別若爲情  
干戈關日分頭去  
山水寒時信路行  
月下斷猿空有影  
雪中孤雁却無聲  
我今骨肉雖饑凍  
幸喜團圓過亂兵

酬張員外見寄

分應天與吟詩老  
如此兵戈不廢詩  
生在世間人不



識死於泉下鬼應知啼花蜀鳥春同苦叫雪巴猿晝  
共饑今日逢君惜分手一枝何較一年遲

獻新安于尚書

九土雄師竟若何未知良牧與天和月留清俸資家  
少歲計陰功及物多四野綠雲籠稼穡千山明月靜  
干戈行人滿耳新安事盡是無愁父老歌

亂後書事寄同志

九土如今盡用兵短戈長戟困書生思量在世頭堪  
白晝度歸山計未成皇澤正需新將士侯門不是舊

公卿到頭詩卷須藏却各向漁樵混姓名

山中臨上人院觀牡丹寄諸從事

閑來吟繞牡丹叢花艷人生事畧同半雨半風三月  
內多愁多病百年中開當韶景何多好落向僧家只  
是空一境別無惟此者忍教醒坐對支公

亂後毗陵投宣諭張侍郎

此生今日似前生重著麻衣特地行經亂後囊新卷  
軸出山來見舊公卿雨籠蚕壁吟燈影風觸蟬枝噪  
浪聲聞道中興重人物不妨西去馬蹄輕

下第投所知

落第愁生曉鼓初地寒才薄欲何如不辭更寫公卿  
卷却是難修骨肉書御苑早鶯啼煖樹釣鄉春水侵  
貧居擬離門館東歸去又恐重來事轉踈

哭方干

何言寸祿不霑身身沒詩名萬古存况有數篇關教  
化得無餘慶及兒孫漁樵共壘墳三尺猿鶴同棲月  
一村天下未寧吾道喪更誰將酒酌吟魂

秋日泊浦江

一帆程歇九秋時漠漠蘆花拂浪飛泊浦更無船在  
宿莫山時見鳥雙歸炤雲烽火驚離抱剪葉風霜過  
暑衣江月漸明汀露濕靜驅吟魄入玄微

白髮吟

一莖兩莖初似絲不妨驚度少年時幾人亂世得及  
此今我滿頭何足悲九轉靈丹那勝酒五音清樂未  
如詩家山蒼翠萬餘尺藜杖楛冠輸老兒

寄池州鄭員外

少出蓬蒿修謁初蒙知曾不見生疎侯門數處將書



薦帝里經年借宅居未必有詩堪諷誦祇憐無祿遇  
吹噓如今正待扶持處莫使江湖老釣魚

### 塞上

旌旗鬣鬣漢將軍閒出巡邊帝命新沙塞旋收饒帳  
幙犬戎時殺少烟塵冰河夜渡偷來馬雪嶺時分獵  
去人獨作書生疑不穩軟弓輕箭也隨身

### 題兜率寺閒上人院

人間寺應諸天號真行禪僧此寺中百歲有涯頭上  
雪萬般無染耳邊風挂帆波浪驚心白上馬塵埃翳

眼紅畢竟浮生謾勞役算來何事不成空

### 別四明鍾尚書

九華天際碧嵯峨無柰春來入夢何難與英雄爭教  
化却思猿鳥共烟蘿風前柳態閒時少雨後花容淡  
處多都道人生有離別且將詩句代離歌

### 題護國大師塔

莫認雙林是佛林禪棲無地亦無金塔前盡禮灰來  
相衲下誰宗印了心笠象胤明雙不見線源分派寸  
難尋吾師覺路余知處大藏金門一夜吟



春日山中對雪有作

竹樹無聲或有聲  
霏霏漠漠散還凝  
嶺梅謝後重粧  
盡巖水鋪來却結冰  
牢繫鹿兒防獵客  
滿添茶鼎候吟僧  
好將膏雨同功力  
松徑莓苔又一層

山中對雪

一渾乾坤萬象收  
唯應不壅大江流  
虎狼遇獵難藏跡  
松柏因風易舉頭  
玉帳英雄携妓賞  
山村鳥雀共民愁  
豈堪久蔽蒼蒼色  
須放三光照九州

戲題王處士書齋

先生高興似樵漁  
水鳥山猿一處居  
石筵不行苔色厚  
釣竿時斫竹林疎  
欺春祇愛和醅酒  
諱老猶看夾著書  
莫道無金空有壽  
有金無壽欲何如

早發

東牕未明塵夢蘇  
呼童結束登征途  
落葉鋪霜馬蹄滑  
寒猿嘯月人心孤  
時逆帽簷風刮頂  
旋呵鞭手凍粘鬚  
青雲快活一未見  
爭得安閒釣五湖

題仇處士郊居

江南景簇此林亭  
手板藍裙自可輕  
洞裏客來無俗

話郭中人到有公情閒敲巖果呼猿接時釣溪魚引  
鶴爭笑我有詩三百首馬蹄紅日急於名

次同年張曙先輩見寄之什

天上詩名天下傳引來齊列玉皇前大僊錄後頭無  
雪至藥成來竈絕烟笑攝紫雲金作闕夢拋塵世鍊  
爲船九華山叟驚凡骨同到蓬萊豈偶然

亂後逢李昭象叙別

李生李生何所之家山寧雲胡不歸兵戈到處弄性  
命禮樂向人生是非却與野猿同橡塢還將溪鳥共  
漁磯也知不是男兒事爭奈時情賤布衣

晚春寄同年張曙先輩

莫將時態破天眞祇合高歌醉過春易落好花三箇  
月難留浮世百年身無金潤屋渾閒事有酒扶頭是  
了人恩地未酬閒未得一回醒話一沾巾

李昭象云與二三同人見訪有寄

得君書後病顏開云拉同人訪我來在路不妨衝雨  
雪到山還免踏塵埃吟沉水閣何宵月坐破松巖幾  
處苔貧舍歛賓無別物止於茶戰大尊壘



冬末同友人泛瀟湘

殘臘泛舟何處好最多吟興是瀟湘就船買得魚偏  
美踏雪沽來酒倍香猿到夜深啼嶽麓雁知春近別  
衡陽與君剩採江山景裁取新詩入帝鄉

旅中卧病

秋來誰料病相縈枕上心猶算去程風射破牕燈易  
滅月穿疎屋夢難成故園何啻三千里新雁纔聞一  
兩聲我自與人無舊分非干人與我無情

贈李鐔

鐔自維揚遇亂東入中山  
自注

君行君文天合知見君如此我興悲祗殘三口兵戈  
後纔到孤村雨雪時着卧衣裳難辦洗旋求糧食莫  
供炊地爐不煖柴枝濕猶把蒙求授小兒

江西歸九華

他鄉終日憶吾鄉及到吾鄉值歲荒雲外好山看不  
遍馬前岐路去何忙無衣織女桑猶小缺食農夫麥  
未黃許大乾坤吟未了醉鞭回把出陵陽

辭鄭員外入關

男兒三十尚蹉跎未遂青雲一桂科在客易爲銷歲



月到家難住似經過帆飛楚國風濤濶馬度藍關雨  
雪多長把行藏信天道不知天道竟如何

### 長安春感

出京無計住京難漸入東風轉索然滿眼有花寒食  
下一家無信楚江邊此時晴景愁於雨是處鶯聲苦  
候蟬公道算來終達去更從今日望明年

### 登靈山水閣貽釣者

江上見僧誰是了修齋補衲日勞身未勝漁父閒垂  
釣獨背斜陽不采人縱有風波猶得睡絕無蓑笠始

爲貧瓦甌盛酒瓷甌酌荻浦蘆灣是要津

### 贈溧水崔少府

溧水一作建德 一作連水

庭戶瀟條燕雀喧日高牕下枕書眠祇聞留客教酤  
酒未省逢人說料錢洞口禮星披鶴氅溪頭吟月上

漁船九華山叟心相許不計官卑贈一篇

### 讀張僕射詩

曾應舉不及第投筆領郡 自注

秋吟一軸見心骨萬象森羅詠欲空才大却兼天上  
桂世危翻立陣前功廉頗解武文無說謝眺能文武  
不通雙美總輸張太守二南章句六鈞弓

題所居村舍

家隨兵盡屋空存，稅額寧容減一分。  
衣食旋營猶可過，賦輸長急不堪聞。  
蠶無夏織桑充寨，田廢春耕犢  
勞軍如此數州誰會得，殺民將盡更邀勳。

獻錢塘縣羅著作判官

還鄉夫子遇賢侯，撫字情知不自繇。  
莫把功名專懊惱，放教懷抱絕冤讐。  
腥袍嬾着辭公宴，鶴氅閒披訪  
道流。猶有九華知己在，羨君高卧早回頭。

遣懷

驅馳岐路共營營，祇爲人間利與名。  
紅杏園中終擬醉，白雲山下懶歸耕。  
題橋每念相如志，佩印當期季子榮。  
謾道強親堪倚賴，到頭須是有前程。

長安道中有作

回頭不忍看羸童，一路行人我最窮。  
鞍馬蹇於槐影裏，釣船拋在月明中。  
帽簷曉滴淋蟬露，衫袖時飄卷  
雁風。子細尋思底模樣，騰騰又過玉關東。

題開元寺門閣

一登高閣眺清秋，滿目風光盡勝遊。  
何處畫桡尋綠



水幾家鳴笛咽紅樓雲山不改應長在歲月如波祗  
暗流唯有禪居離塵俗了無榮辱掛心頭

出關投孫侍御

東歸還著舊麻衣爭免花前有淚垂每歲春光九十  
日一生年少幾多時青雲寸祿心耕早明月仙枝分  
種遲不爲感恩酬未得五湖閒作釣魚師

送項山人歸天台

因話天台歸思生布囊藤杖笑離城不教日月拘身  
事自與煙蘿結野情龍鎮古潭雲色暗露淋秋檜鶴  
聲清此中是處堪終隱何要世人知姓名

題衡陽隱士山居

閒居不問世如何雲起山門日已斜放鶴去尋三島  
客任人來看四時花松醪臘醞安神酒崖水宵煎瓦  
句茶畢竟金多也頭白筭來爭得似君家

題江寺禪和壁

江寺禪僧似悟禪壞衣芒屨住茅軒懶求施主修真  
像翻說經文是妄言出浦釣船驚宿雁伐巖樵斧迸  
寒猿行人莫問師宗指眼不浮華耳不喧



題弟侄書堂

何事居窮道不窮，亂時還與靜時同。  
家山雖在干戈地，弟侄嘗修禮樂風。  
竹牕影搖書案上，野泉深入硯池<sup>中</sup>。  
少年辛苦終身事，莫向光陰惰寸功。

寄長林孟明府

爲政爲人漸見心，長材聊屈宰長林。  
莫嫌月入無多俸，須喜秋來不廢吟。  
寒雨旋疎叢菊艷，晚風時動小松陰。  
訟庭閒寂公書少，留客看山索酒斟。

贈漁家

見君生計羨君閒，求食求衣有底難。  
養一箔蠶供釣線，種千莖竹作漁竿。  
葫蘆杓注春濃酒，舴艋舟流夜漲灘。  
却笑儂家最辛苦，聽蟬鞭馬入長安。

登城

上得孤城向晚春，眼前何事不傷神。  
遍看原上累累塚，曾是城中汲汲人。  
盡謂黃金堪潤屋，誰思荒骨旋成塵。  
一名一宦平生事，不放愁侵過身。

秋日山中寄池州李常侍

近來叅謁興全疎，因向雲山僻處居。  
出爲羈孤營糲

食歸同弟侄讀生書風凋古木秋陰薄月滿寒山夜  
景虛但得中興知己在算應身未老樵漁

辭楊侍郎

春在門欄秋未離不因人薦只因詩半年賓館成前  
事一日侯門失舊知霜鳥樹凋猿叫夜湖田稻熟雁  
來時西風萬里東歸去更把愁心說向誰

題汪氏茅亭

茅亭客到多稱竒茅亭之上難題詩出城景物不可  
狀小手篇章徒爾爲牛畔稻苗新雨後鶴邊松韻晚

風時君今酷愛人間事爭得安閒人在茲

喜從弟雪中遠至有作

深山大雪懶開門門徑行蹤自爾新無酒禦寒雖寡  
况有書供讀且資身便均情愛同諸弟莫更生疎似  
外人晝短夜長須強學學成貧亦勝他貧

送僧歸國清寺

吟送越僧歸海涯僧行渾不覺程賒路沿山脚潮痕  
出睡倚松根日色斜撼錫渡岡猿抱樹挈瓶盛浪鷺  
翹沙到參禪後知無事看引秋泉灌藕花



題汪明府山居

不似當官祇似閒野情終日不離山方知薄宦難拘  
束多與山人作往還牛笛慢吹煙雨裏稻苗平入水  
雲間羨君公退聊欵枕免向他門厚客顏

下第東歸將及故園有作

平生操立有天知何事謀身與志違上國獻詩還不  
遇故園經亂又空歸山城欲暮人煙歛江月初寒釣  
艇輝且把風雲作閒事懶能和淚拜庭闈

宿東林寺題願公院

古寺沉沉僧未眠捨願將客說閒緣一溪月色非塵  
世滿洞松聲似雨天簷底水涵抄律燭牕前風引煮  
茶烟無由住得吟相伴心繫青雲十五年

山居自遣

茅屋周回松竹陰山翁時挈酒相尋無人開口不言  
利只我白頭空愛吟月在釣潭秋睡重雲橫樵逕野  
情深此中一日過一日有底閒愁得到心

送友人罷舉赴辟命

連天一水浸吳東十幅帆飛二月風好景採歸詩句

裏別愁驅入酒杯中魚依岸柳眠圓影鳥傍幽花戲  
暖紅不是桂枝終不得自緣年少好從戎

亂後旅中遇友人

念子爲儒道未亨依依心向十年兄莫因亂世輕依  
託須學前賢隱姓名大國未知何日靜舊山猶可入  
雲耕不如自此同歸去帆挂秋風一信程

贈休糧僧

自言因病學休糧本意非求不死方徒有至人傳道  
術更無齋客到禪房雨中林鳥歸巢晚霜後蛩猿拾

橡忙爭似吾師無一事穩披雲衲坐藤床

維揚春日再遇孫侍御

不爲榮家不爲身讀書誰料轉家貧三年行却千山  
路兩地思歸一主人絡岸柳絲懸細雨繡田花朵弄  
殘春多情御史應嗟見未上青雲白髮新

亂後宿南陵廢寺寄沈明府

祇共寒燈坐到明塞鴻衝雪一聲聲亂時爲客無人  
識廢寺吟詩有鬼驚且把酒杯添志氣已將心事託  
公卿男兒仗劍酬恩在未肯徒然過一生



投鄭先輩

匣中長劍未酬恩，不遇男兒不合論。  
悶向酒杯吞日月，閑將詩句問乾坤。  
寧辭馬足勞關路，肯爲漁竿憶水村。  
兩鬢欲斑三百首，更教裝寫傍誰門。

途中

無論南北與西東，名利牽人處處同。  
枕上事仍多馬上山，中心更甚關中川。  
原晚結陰沉，氣草樹秋生。索漠風百歲，此中如且健。大家閒作卧霜翁。

和舍弟題書堂

兄弟將知大自強，亂時同葺讀書堂。  
巖松過雨多還開，溪竹唯風少即涼。  
藉草醉吟花片落，傍山閑步藥苗香。  
團圓後是家肥事，何必盈倉與滿箱。

送蜀客遊維揚

見說西川景物繁，維揚景物勝西川。  
青春花柳樹臨水，白日綺羅人上船。  
夾岸畫樓難惜醉，數橋明月不教眠。  
送君懶問君回日，才子風流正少年。

旅寓

暗算鄉程隔數州，欲歸無計淚空流。  
已違骨肉來時

約更東琴書何處遊  
畫角引風吹斷夢  
垂楊和雨結  
成愁去年今日還  
如此似與青春有舊讐

途中春

年光身事旋成空  
畢竟何門遇至公  
人世鶴歸雙鬢  
上客程蛇繞亂山中  
牧童向日眠春草  
漁父隈巖避  
晚風一醉未醒花  
又落故鄉回首楚關東

維揚冬末寄幙中二從事

江上數枝桑棗樹  
自從離亂更荒涼  
那堪旅館經殘  
月祇把空書寄故鄉  
典盡客衣三尺雪  
鍊精詩句一

頭霜故人多在芙蓉幙  
應笑孜孜道未光

書齋即事

時清祇合力爲儒  
不可家貧與善踈  
賣却屋邊三畝  
地添成窻下一床書  
沿溪摘果霜零後  
出竹吟詩月上初  
鄉里老農多見笑  
不知稽古勝耕鋤

雋陽道中

客路客路何悠悠  
蟬聲向背槐花愁  
爭知百歲不百  
歲未合白頭今白頭  
四五朶山粧雨色  
兩三行雁帖雲秋  
輸他江上垂綸者  
祇在船中老便休



入關別舍弟

吾今別汝汝聽言去住人情足可安  
百口度荒均食  
易數年經亂保家難莫愁寒族無人薦  
但願春官把  
卷看大道不欺心意足帝鄉吾土一般般

贈彭蠡釣者

偏坐漁舟出葦林葦花零落向秋深  
祇將波上漚爲  
侶不把人間事繫心傍岸歌來風欲起  
卷絲眠去月  
初沉若教我似君閒放贏得湖山到老吟

送友人入關

此去青雲莫更疑出人才行足人知  
况當朝野搜賢  
日正是孤寒取士時仙島烟霞通鶴信  
早春雷雨與  
龍期我今不得同君去兩鬢霜欺桂一枝

送友人宰潯陽

高興那言去路長非君不解愛潯陽  
有時猿鳥來公  
署到處烟霞是道鄉釣艇滿江魚賤菜  
紙窗連嶽楮  
多桑陶潛舊隱依稀在好繼高蹤結草堂

秋日卧病

浮世浮名能有幾將身流落向天涯  
少年心壯輕爲

客一日病來思在家山頂老猿啼古木渡頭新雁下  
平沙不堪吟罷西風起黃葉滿庭寒斜

叙吟

多慚到處有詩名轉覺吟詩僻性成渡水却嫌船着  
岸過山翻恨馬貪程如讐雪月年年景似夢笙歌處  
處聲未合白頭頭已白自知非爲別愁生

行次滎陽却寄諸弟

難把歸書說遠情奉親多闕拙於兄早知寸祿榮親  
晚悔不深山共汝耕枕上筭程關日落帽前搜景嶽

雲生如今已作長安計祇得辛勤取一名

登石壁寺水閣有作

石壁早聞僧說好今來偏與我相宜有山有水堪吟  
處無雨無風見景時漁父晚船分浦釣牧童寒笛倚  
牛吹畫人畫得從他畫六幅應輸八句詩

贈祖肩和尚

山衣草屐染莓苔雙眼猶慵向俗開若比吾師居世  
上何如野客卧岩隈才聞錫杖離三楚又說隨緣向  
五臺乘醉吟詩問禪理爲誰須去爲誰來



閒居即事

形覺清羸道覺肥竹門蓬迳靜相宜一壺村酒無求處  
數朵庭花見落時章句偶爲前輩有語言多被俗人疑  
一枝仙桂如攀得止此山前是老期

自叙

酒甕琴書伴病身熟諳時事樂爲貧寧爲宇宙閒吟  
客怕作乾坤竊祿人詩旨未能忘救物世情柰值不  
容真平生肺腑無言處白髮吾唐一逸人  
空閑二公遞以禪律相鄙因而解之

一教誰云闕二途律禪禪律智歸愚念珠在手揮禪  
衲禪衲披肩壞念珠象外空分空外象無中有作有  
中無有無無有師窮取山列平來海亦枯

寄温州朱尚書并呈軍倅崔太博

永嘉名郡昔推名連屬荀家弟與兄教化靜師龔渤  
海篇章高擬謝宣城山從海岸粧吟景水自城根演  
政聲今日老輸崔博士不妨踈逸伴雙旌

恩門致書遠及山居因獻之

時難轉覺保身難難向師前欲繼顏若把白衣輕易

脫却成青桂偶然攀身居劍戟爭雄地道在乾坤未  
喪間必許酬恩酬未晚且須容到九華山

寄温州崔博士

懷君勞我寫詩情宰宰陰風有鬼聽縣宰不仁工部  
餓酒家無識翰林醒眼昏經史天何在心盡英雄國  
未寧好向賢侯話吟侶莫教辜負少微星

張喬

七松亭

七松亭上望秦川高鳥閑雲已滿前願比子真耕谷

口豈同陶令卧江邊臨崖把卷驚迴掃石留僧聽  
遠泉明月影中宮漏近珮聲應宿使朝天

河中鸛雀樓

高樓懷古動悲歌鸛雀今無野雀過樹隔五陵秋色  
早水連三晉夕陽多漁人遺火成寒燒牧笛吹風起  
夜波十載重來值搖落天涯歸計欲如何

歸舊山

昔年山下結茅茨村落重來野徑移樵客相逢悲往  
事林生閑坐問歸期異藤遍樹無空處幽草綠溪少



歌時此景一拋吟欲老可能文字聖朝知

望巫山

溪疊雲深轉谷遲暝投孤店草蟲悲愁連遠水坡濤  
夜夢斷空山雨電時邊海故園荒後賣入關玄髮夜  
來衰東歸未必勝羈旅况是東歸未有期

贈進士顧雲

潮檻煙波別釣津西京同 荻 貧不知守道歸何  
日相對無言盡幾春晴景遠山花外暮雲邊高蓋水  
邊與君愁寂無消處賒酒青門送楚人

城南寓居寄知己

花木閑門苔蘚生澹川特去得吟情病來久絕洞庭  
信年長却思廬嶽耕落日獨歸林下宿莫雲多遠水  
邊行干時退出常如此頻媿相憂道姓名

贈友人

自說安貧歸未能行邊門掩小池冰典琴賒酒吟過  
寺送客思鄉上灞陵待月夜留烟島客憶雲閑語翠  
微僧幾時獻了相如賦共向嵩山采茯苓

書邊事

萬里沙西寇已平，犬羊羣外築空城。  
分營夜火燒雲遠，教獵秋鷗掠草輕。  
秦將力隨胡馬竭，蕃河流入漢家清。  
羗戎不識干戈老，須賀明時聖主明。

謝公亭懷古一作題宣州開元寺閣詩亦小異詩中莓一作蒼

謝家烟徑長莓苔，牢落虛欄竹上開。  
流水不將山色去，閒雲時帶角聲來。

六朝舊跡遺詩在三楚，空江有雁迴。

雁迴達理始應惆悵，盡因僧清話憶天台。顯宣州寺閣云誰家

烟島長莓苔金碧虛欄竹上開流水遠分山色斷清猿時帶角聲來六朝明月惟詩在三楚空山有雁迴

達理始應盡惆悵僧閒因得話天台

### 贈頭陀僧

自說年深別石橋，遍遊靈跡熟南朝。  
已知世路皆虛幻，不覺空門是寂寥。

滄海附船浮浪久，碧山尋塔上雲遙。  
如今竹院藏衰老，一點寒燈弟子燒。

送何道士歸山詩中落葉自隨一作遠路獨尋

### 送何道士歸山

身非絕粒本清羸，東挂仙經杖一枝。  
落葉自隨流水去，深山長與白雲期。

樹臨丹竈寒花疾，壇近清風夜月遲。  
樵客若能過洞裏，迴歸人世始應悲。

### 顧雲



新柳

帶露含烟處處垂  
綻黃搖綠嫩參差  
長堤未見風飄絮  
廣陌初憐日映絲  
斜傍畫筵偷舞態  
低臨粧閣學愁眉  
離亭不放到春幙  
折盡拂簷千萬枝

李昭象

山中寄崔諫議

半生猿鳥共山居  
吟月吟風兩鬢疎  
新句未嘗忘教化  
上才爭忍不吹嘘  
全家欲去干戈後  
大國中興禮樂初  
從此升騰休說命  
祇希公道數封書

寄獻山中顧員外

抽却朝簪著釣蓑  
近來聲迹轉巍峩  
祥麟避網離山野  
丹鳳銜書即薜蘿  
乍隱文章情更逸  
久閑經濟術翻多  
深慚未副吹嘘力  
竟困風埃爭柰何

題顧正字谿居

高堂吟軒近釣灣  
塵中來似出人間  
若交明月休生桂  
應得危時共掩關  
春酒夜碁難放客  
短籬疎竹不遮山  
莫誇恬淡勝榮祿  
雁引行高未許閑

新柳

帶露含烟處處垂  
綻黃搖綠嫩參差  
長堤未見風飄絮  
廣陌初憐日映絲  
斜傍畫筵偷舞態  
低臨粧閣學愁眉  
離亭不放到春幙  
折盡拂簷千萬枝

李昭象

山中寄崔諫議

半生猿鳥共山居  
吟月吟風兩鬢疎  
新句未嘗忘教化  
上才爭忍不吹噓  
全家欲去干戈後  
大國中興禮樂初  
從此升騰休說命  
祇希公道數封書

寄獻山中顧員外

抽却朝簪著釣蓑  
近來聲迹轉巍峩  
祥麟避網離山野  
丹鳳銜書即薜蘿  
乍隱文章情更逸  
久閑經濟術翻多  
深慚未副吹噓力  
竟困風埃爭柰何

顧雲在淮南以學仙詞寄之

記得粗傳九轉方  
碧雲峯下祝虛皇  
丹砂未熟心徒切  
白日難留鬢欲蒼  
無路洞天尋穆滿  
有時人世羨劉郎  
仙人恩重何由報  
焚盡星壇午夜香

殷文圭

劉郎仙人恩重何由報  
焚盡星壇午夜香



江南秋日

水國由來稱道情野人經此頓神清一篷秋雨睡初  
起半硯冷雲吟未成青笠漁兒筒釣沒蓑衣菱女畫  
橈輕冰綃寫上江南景寄與金鑾馬長卿

王仙道中

萼鱸方美別吳江筆陣詩魔兩未降山勢北蟠龍偃  
蹇泉聲東漱玉瑋琤古陂狐兔穿蠻塚破寺荆榛擁  
佛幢信馬冷吟迷路處隔溪烟雨吠村厖

經李翰林墓

詩中日月酒中仙平地雄飛上九天身謫蓬萊金籍  
外寶裝方丈玉堂前虎靴醉索將軍脫鴻筆悲無令  
子傳十字遺碑三尺墓只應吟客弔秋烟

觀賀皇太子冊命

嗣冊儲皇帝命行萬方臣宴躍歡聲鸞旂再立星辰  
正雉扇雙開日月明自有漢元爭翼戴不勞商皓定  
歌傾春宮保傅皆周召致主何憂不太平

寄廣南劉僕射

戰國從今却尚文品流才子作將軍畫船清宴蠻溪

雨粉閣閒吟瘴嶠雲暴客卸戈歸惠政史官調筆待  
儒勲漢儀一化南人後牧馬無因更夜聞

邊將別

地角天涯倍苦辛十年鉛槧未酬身朱門泣別同鮫  
客紫塞旅遊隨雁臣漢將出師衝曉雪胡兒奔馬撲  
征塵行行獨止干戈域義帳望誰爲主人

覽陸龜蒙舊集

先生文價沸三吳白雪千編酒一壺吟去星辰筆下  
動醉來嵩華眼中無峭如謝檜虬蟠活清似緱山鳳

路孤身後獨遺封禪草何人尋得佐鴻圖

行朝早春侍師門宴西溪席上作

西溪水色淨於苔畫鷁橫風絳帳開絃筦旋飄蓬鳥  
去公卿皆似藥宮來金鱗擲浪錢翻荇玉爵粘香雪  
泛梅三榜生徒逾七十豈期龍坂納非才

省試夜投獻座主

闢門公道選時英神鏡高懸鑒百靈混沌分來融間  
氣攬搶滅處賦文星燭燃蘭省三條白山東龍門萬  
仞青聖效中興周禮在不勞干羽舞明庭



初秋留別越中幕客

魂夢飄零落葉洲北，  
轅南柁幾時休。月中青桂漸看  
老，星畔白榆還報秋。  
鶴禁有知，須強進，稽峰無事莫  
相留。吳花越柳饒君醉，  
直待功成始舉頭。

趙侍郎看紅白牡丹因寄楊狀頭贊圖

遲開都爲讓群芳，  
貴地栽成對玉堂。  
紅艷裊烟疑欲語，  
素華映月只聞香。  
翦裁偏得東風意，  
淡薄似矜西子粧。  
雅稱花中爲首冠，  
年年長占斷春光。

題友人庭竹

叢萱蕭瑟拂清陰，  
貴地栽成碧玉林。  
盡待花開添鳳食，  
可憐風擊伏龍吟。  
鈿竿離立霜文靜，  
錦箨飄零粉節深。  
何似子猷偏寄賞，  
此君心似主人心。

鸚鵡

丹觜如簧翠羽輕，  
隨人呼物旋知名。  
金籠夜黯山西夢，  
玉枕曉憎簾外聲。  
才子愛奇吟不足，  
美人憐爾繡初成。  
應緣是我邯鄲客，  
相顧咬咬別有情。

賀同年第三人劉先輩賦辟命

甲門才子鼎科人，  
拂地藍衫榜下新。  
脫俗文章笑鸚鵡

鷓凌雲頭角壓麒麟金盞藉草溪亭晚玉勒穿花野  
寺春多愧受恩同闕里不嫌師辟與顏貧

題吳中陸龜蒙山齋

萬卷圖書千戶貴十洲烟景四時和花心露洗猩猩  
血水面風披瑟瑟羅莊叟靜眠清夢永客兒芳意小  
詩多天麟不觸人間網擬把公卿換得麼

題湖州太學邱光庭博士幽居

舜軌堯文混九垓明重宏構集良材江邊雲卧如龍  
穩天外況書遣鶴來五夜藥苗滋沆瀣四時花影蔭

莓苔草玄門似山中靜不是公卿到不開

八月十五夜玩月

萬里無雲鏡九州最團圓夜是中秋滿衣冰彩拂不  
落遍地水光疑欲流華嶽影寒清露掌海門風急白  
潮頭因君照我丹心事減得愁人一夕愁

送道者朝見後歸山

暫隨蒲帛謁金鑿瀟灑風儀傲漢官天馬難將朱索  
絆海鰲寧覺碧濤寬松壇月作尊前畔竹篋書爲教  
外神鼎已乾龍虎伏一條真氣出雲端



九華賀雨 一作霍總詩

陶公焦思念生靈變旱爲豐合杳冥雷劈老松疑虎  
怒雨衝陰洞覺龍腥萬畦香稻蓬葱綠九朵奇峰撲  
亞青吟賀西成饒旅興散絲飛灑滿長亭

贈池州張太守

神珠無類玉無瑕七葉簪貂漢相家陣面奔星破犀  
象筆頭飛電躍龍蛇絳帷夜坐窮三史紅旆春行到  
九華只怕他人留不住別遷征鎮擁高牙

次韻九華杜先輩重陽寄投宛陵丞相

日下飛聲徹不毛酒醒時得廣離騷先生鬢爲吟詩  
白上相心因治國勞千乘信迴魚槓重九華秋迥鳳  
巢高強酬小謝重陽句沙恨無金盡日淘

中秋自宛陵寄池陽太守

出山三見月如眉蝶夢終宵遠戟枝旅客思歸鴻去  
日賢侯行化子來時郡樓遐想劉琨嘯相閣方窺謝  
傅碁按部况聞秋稼熟馬前迎拜羨并兒

寄賀杜荀鶴及第

一戰平疇五字勞晝歸鄉去錦爲袍大鵬出海翎猶

濕駿馬辭天氣正豪九子舊山增秀絕二南新格變  
風騷由來稽古符公道平地丹梯甲乙高

伍喬

晚秋同何秀才溪上

閑步秋光思杳然荷藜因共過林煙期收野藥尋幽  
路欲采溪菱上小船雲吐晚陰藏霽岫柳含餘霽咽  
殘蟬倒尊盡日忘歸處山磬數聲敲暝天

宿潛山

一入仙山萬慮寬夜深寧厭倚虛欄鶴和雲影宿高  
木人帶月光登古壇芝朮露濃溪塢白薜蘿風起殿  
廊寒更陪羽客論真理不覺初鐘叩曉殘

送江少府授延陵後寄

五老雲中勤學者遇時能不困風塵束書西上謁明  
主捧檄南歸慰老親別館友朋留醉久去程烟月入  
吟新莫因官小慵之任自古鸞棲有異人

聞杜牧赴闕

舊隱匡廬一草堂今聞携策謁吾皇峽雲難捲從龍  
勢古劍終騰出玉光翅開定期歸碧落濯纓寧肯問



滄浪他時得意交知仰莫忘裁詩寄釣鄉

僻居謝何明府見訪

公退琴堂動逸懷  
閑披烟靄訪微才  
馬嘶窮巷蛙聲  
息輒到衡門草色開  
風引柳花當坐起  
日將林影入庭來  
滿齋塵土一牀蘚  
多謝從容水飯迴

寄落星史虛白處士

白雲峯下古溪頭  
曾與提壺爛熯遊  
登閣共看彭蠡  
浪圍爐同憶杜陵  
秋碁玄不厭通宵  
筭句妙多容隔歲  
酬別後相思時  
一望暮山空碧水空流

僻居酬友人

僻居雖愛近林泉  
幽徑閑園任蘚連  
向竹掩扉隨鶴息  
就溪安石學僧禪  
古琴帶月音聲正  
山果經霜氣味全  
多謝故交憐朴野  
隔雲時復寄佳篇

冬日送人

去去天涯無定期  
瘦童羸馬共依依  
暮烟江口客來絕  
寒葉嶺前人往稀  
帶雪野風吹旅思  
入雲山火照行衣  
釣臺吟閣滄洲在  
應爲初心未得歸

莫冬送何秀才毗陵

匹馬嘶風去思長素琴孤劍稱戎裝路途多是過殘  
歲杯酒無辭到醉鄉雲傍水村凝冷片雪連山驛積  
寒光毗陵城下饒嘉景迥日新詩應滿堂

九江旅夜寄山中故人

弱柳風高遠漏沉坐來難便息愁吟江城雪盡寒猶  
在客舍燈孤夜正深塵土積年粘旅服關山無處寄  
歸心此時遙羨閑眠侶靜掩雲扉向一林

廬山書堂送祝秀才還鄉

東書辭我下重巔相送同臨楚岸邊歸思幾隨千里  
水離情空寄一枝蟬園林到日酒初熟庭戶開時月  
正圓莫使蹉跎戀踈野男兒酬志在當年

林居喜崔三博遠至

幾日區區在遠程晚烟林徑喜相迎姿容雖有塵中  
色巾履猶多嶽上清野石靜排爲坐榻溪茶深煮當  
飛觥留連話與方經宿又欲携書別我行

遊西禪一作遊郭西西禪院

遠岫當軒列翠光高僧一衲萬緣忘碧松影裏地長  
潤白藕花中水亦香雲自雨前生淨石鶴於鐘後宿



塵廊遊人戀此吟終日盛暑樓臺早有涼

遊西山龍泉禪院

疊巘層峰坐可觀枕門流水出雲端曉鐘聲徹洞溪  
遠夏木影籠軒檻寒幽徑乍尋衣履潤古堂頻宿夢  
魂安因嗟城郭營營事不得游茲空髮鬢殘

僻居秋思寄故友

門巷秋歸更寂寥雨餘閑砌委蘭苗夢迴月夜蟲吟  
壁病起茅齋藥滿瓢澤國舊遊關遠思竹林前會赴  
佳招身名未立猶辛苦何許流年晚鬢焦

寄翰林學士張洎

不知何處可銷憂公退携壺即上樓職事久參侯伯  
幕夢魂常達帝王州黃山向晚盈軒翠點水當春統  
檻流遙想玉堂多暇日花時誰伴出城遊

周繇

白石潭秋霽作

潭心烟霧破斜暉殷殷雷聲隔翠微  
厓蹙盤渦翻蜃窟灘吹白石上漁磯  
陵風舴艫謳啞去出水鸕鷀薄  
泊飛秋霽更誰同此望遠鐘時見一僧歸

送楊環校書歸廣南

天南行李半波濤，灘樹枝枝拂戲猱。  
初著藍衫從遠嶠，乍辭雲署泊輕艘。  
山村象踏桺柳葉，海外人收翡翠毛。  
名宦兩成歸舊隱，徧尋親友興何饒。

送入蕃使

詩中烟一作爐

獵獵旗旛過大荒，勅書猶帶御烟香。  
滹沱河凍軍迴探，邏沙城孤鴈著行。  
遠寨風狂移帳幕，平沙日晚卧牛羊。  
早終冊禮朝天闕，莫遣虬髯染塞霜。

經故宅有感

身沒南荒雨露賒，朱門空鎖舊繁華。  
池塘鑿就方通水，桃李栽成未見花。  
異代圖書藏幾篋，傾城羅綺散誰家。  
昔年埏埴生靈地，今日生人爲嘆嗟。

題金陵栖霞寺贈月公

詩中清池一作花宮

明家不要買山錢，施作清池種白蓮。  
松檜老依雲外地，樓臺深鎖洞中天。  
風經絕頂迴疎雨，石倚危屏挂落泉。  
欲結茅菴伴師住，肯饒多少薜蘿煙。

金地藏

送童子下山



空門寂寞女思家，禮別雲房下九華。  
愛向竹邊騎竹馬，嬾於金地布金沙。  
添瓶澗底休拈月，烹茗甌中罷弄茶。  
好去不須頻下淚，老僧相伴有烟霞。

酬柯用之送米

棄却金鑿衲布衣，修身浮海到華西。  
原身自是皇王子，慕道相逢柯用之。  
未敢叩門求地語，昨叨送米續晨炊。  
而今餐此黃精飯，腹果忘思去日饑。

六言律詩

康駢

廣謫仙怨詞 有序

玄宗天寶十五載，正月安祿山反，陷沒洛陽。  
王師敗績，關門不守，車駕幸蜀。途次馬嵬驛，  
六軍不發，賜貴妃自盡。然後駕發行，次賂谷，  
上登高下馬，謂力士曰：吾蒼皇出狩，長安不辭，  
宗廟此山絕高，望見秦川，吾今遙辭陵廟，因下馬望東，再拜嗚咽流涕。

左右皆泣謂力士曰吾聽九齡之言不到

於此乃命中使往韶州以太牢祭之

中書令張

九齡每因奏對未嘗不諫誅祿山上怒曰

卿豈以王夷甫識石勒便殺祿山於是不

敢諫因上馬遂索長蘆吹於曲曲成潛然

流涕竚立久之時有司旋錄成譜及鸞駕

至成都乃進此譜請曲名上不記之視左

右曰何曲有司具以賂谷望長安下馬後

索長笛吹出對上良久曰吾省矣吾因思

九齡亦別有意可名此曲爲謫仙怨其旨

屬馬嵬之事厥後以亂離隔絕有人自西

川傳得者無由知但呼爲劍南神曲其音

怨切諸曲莫比大歷中江南人盛爲此曲

隨州刺史劉長卿左遷睦州司馬祖選之

內吹之爲曲長卿遂撰其詞意頗自得蓋

亦不知本事詞云晴川落日初低惆悵孤

舟解携鳥去平蕪遠近人隨流水東西白

雲千里萬里明月前溪後溪獨恨長沙謫

去江潭春草萋萋余在童幼亦聞長老話



謫仙之事頗熟而長卿之詞甚是才麗與  
本事意興不同余既備知聊因暇日輒撰  
其詞復命樂工唱之用廣不知者其詞曰  
胡塵犯闕衝關金輅提携玉顏雲雨此時  
消散君王何日歸還傷心朝恨莫恨回首

千山萬山獨望天邊初月蛾眉猶在鸞鸞

此上係台州刺史竇弘餘撰駢以為竇史君序謫仙怨

云劉隨州之詞未知本事及詳其意但以  
貴妃為懷蓋明皇登賂谷之時實有思賢  
之意竇之所製殊不述焉駢因更廣其詞  
蓋欲兩全其事雖才情淺拙不逮二公而  
理或可觀貽諸識者

晴山礙日橫天綠疊君王馬前鸞輅西巡蜀國龍顏  
東望秦川曲江魂斷芳草妃子愁凝莫煙長笛此時  
吹罷何言獨為嬋娟

五言排律

張祜

題杭州天竺寺

西南山最勝一界是諸天上路穿巖竹分流入寺泉  
躡雲丹井畔望月石橋邊洞壑江聲遠樓臺海氣連  
塔明春嶺雪鐘散暮松烟何處去猶恨更看峯頂蓮

題杭州靈隱寺

峯巒開一掌朱檻幾迴延佛地花分界僧房竹引泉  
五更樓下月十里郭中煙後塔聳亭後前山橫閣前



溪山涵水靜澗石點苔鮮好是呼猿久西巖深響連

高閑上人

座上辭安國禪房戀沃州道心黃葉老詩思碧雲秋  
卷軸朝廷餞書函內庫收陶欣入社叟生怯論經儔  
日色屏初揭風聲筆未休長波溢海斤大點出嵩邱  
不絕義之法難窮智永流殷勤一牋在留着看銀鈎

投常州從兄中丞

扁舟何所往言入善人邦舊愛鵬搏海今聞虎渡江  
土因爲政樂儒爲說詩降素履冰容靜新詞玉韻攬  
金魚聊解帶畫鷁稍移棹邀妓思逃席留賓命倒缸  
吏材誰是伍經術世無雙廣廈當宏構洪鐘併待撞  
成龍須讓卯展驥莫先龐應念宗中末秋螢照一牕

送王昌涉侍御

十里指東平軍前首出征諸侯青服舊御史紫衣榮  
入陣梟心死分圍虎力生畫時安楚塞刻日下齊城  
號令朝移幕偷蹤夜斫營雲梯曾險上地道慣深行  
舉旆招降將投戈趨敗兵自慙居虜者當此立功名

題靈隱寺師一上人十韻

詩中臨一作微何  
當緣一作聊當因

八十空門子深山，土木骸片衣閑自。衲簞食老長齋，  
道性終能遣人情。少不乖櫟枸，居上院薜荔。俯層階，  
洗鉢前。臨水窺門外，有柴朗吟揮竹拂。高揖曳芒鞋，  
逆笋斜穿塢。飛泉下噴厓，種花竹土潤。撥石慮沙埋，  
舊徃師招隱。初臨我詠懷，何當緣興玩。更爲衰新牌。

費冠卿

答蕭建

自地上青岑懸崖一萬重，踐危頻側足。登塹半齊眉，  
飛狖啼攀桂。遊人喘倚松入林，寒痺痺近瀑。雨濛濛

徑滑石稜上，寺開山掌中。幡花撲淨地，臺殿印晴空。  
勝徑層層別，高僧院院逢。泉魚候洗鉢，老獼戲撞鐘。  
外戶憑雲掩，中厨課水舂。搜泥時和麩，拾橡半添種。  
渡壑緣槎際，持燈入洞窮。夾天開壁峭，透石感波雄。  
澗藹清無土，潭深碧有龍。畚田一片淨，谷樹萬株濃。  
野客登臨慣，山房幽寂同。寒爐樹根火，夏牖竹梢風。  
邊鄙疇賢相，黔黎託聖躬。君能棄名利，歲宴一相逢。

張喬

月中桂

省試作一作華州試



與月轉洪濛扶疎萬古同根非生下土葉不墜秋風  
每以圓時足還隨缺處空影高群木外香滿一輪中  
未種丹霄日應虛白兔宮如何當羽化細得問神功

華山

青蒼河一隅氣狀杳難圖卓傑三峯出高竒四岳無  
力疑擎上界勢猶厭中區衆水東西走羣山遠近趨  
天迴諸宿照地聳百靈扶石壁烟霞麗龍潭雨雹麤  
澄凝臨甸服險固束神都淺覺川原異深應日月殊  
鶴歸青藹合仙去白雲孤濁瀑斜飛凍長松倒挂枯

每來探洞穴不擬反江湖倘有芝田種商巖老一夫

詩中猶厭一作獨歷烟霞麗一作藤蘿細澄  
凝一作清涼商巖老一夫一作巖間寄野夫

興善寺貝多樹

還應毫末長始見拂丹霄得子從西國成陰見昔朝  
勢隨雙刹直寒出四牆遙帶月啼春鳥連空噪暝蜩  
遠根穿古井高頂起涼飈影動縣燈夜聲繁過雨朝  
靜遲松桂老堅任雪霜凋永共終南在應隨劫火燒

周錄

廣陽公宴成式速罷馳騁坐觀花艷或有眼

飽之嘲因賦此詩

蹙鞠且徒爲寧如目送時報讐暫戾更存想恨透遲  
促坐疑辟呬啣杯強朵頤恣情窺窈窕曾恃好風姿  
色授應難奪神交願莫辭請君看曲講不負少年期

送江州薛尚書 一作郎中

匡廬千萬峰影匝郡城中忽佩虎符去遙疑鳥道通  
時滿郭波浪莫連空樹翳樓臺月帆飛鼓角風  
郡齊多 客鄉戶半漁翁王事行春外題詩寄遠公

杜荀鶴

和劉評事送海禪和尚歸山 一作海一禪師

衲外元無象言尋那路尋問禪將底說傳印得何心  
未了羣山淺難休一室深伏魔寧是獸巢頂亦非禽  
觀色風驅霧聽聲雪棲林凡歸是歸處不必指高岑

御溝柳

律到御溝春溝邊柳色新細籠穿禁水輕拂入朝人  
日近韶光早天低聖澤勻谷鶯棲未穩宮女畫難真  
楚國空搖浪隋堤暗惹塵如何帝城裏先得覆龍津

殷文圭



省試春草碧色

細草含春碧，芊綿南浦濱。  
萋萋如恨別，苒苒共傷春。  
疎雨烟華潤，斜陽細彩勻。  
花粘繁鬪錦，人藉軟勝茵。  
淺映宮池水，輕遮輦路塵。  
杜回如可結，誓作報恩身。

七言律

杜荀鶴

和友人見題山居水閣八韻

池閣初成眼豁開，眼前霽景屬微才。  
試攀簷果猿先見，纔把魚竿鶴即來。  
修竹已多猶可種，艷花雖少不勞栽。  
南昌一榻延徐孺，楚國千鍾逼老萊。  
未稱執鞭奔紫陌，惟宜拄杖步蒼苔。  
籠禽豈是摩霄翼，潤木元非澗下材。  
鑿已每將天作鏡，陶情常以海爲杯。  
和君詩句吟聲大，蟲豸聞之謂蟄雷。

殷文圭

和友人送衡尚書赴池陽副車

淮王上將例分憂  
玉帳參承半列侯  
次第選材如創  
厦別離排宴向  
藏舟鷗鵬變化知  
難測龍蠖升沉各  
有由躑躅行牽金  
錢重嬋娟立唱翠  
蛾愁築頭勲業  
諧三陣滿腹詩書  
究九流金海珠韜  
乘月讀肉芝芽  
茗撥雲收赤麟旒  
卷鷗汀晚青雀船  
橫雁陣秋十字  
細波澄鏡面九華  
殘雪峰頭醉沉北  
海千樽酒吟上  
南荆百尺樓况是  
昭明食魚郡不妨  
閑擲釣璜鈎

五言絕句

張祜

題浩然宅

一作題孟處士宅

高才何必貴下位不妨賢  
孟簡雖持節襄陽屬浩然

宮詞

故國三千里深宮二十年  
一聲何滿子雙淚落君前

二詩中曲一作日

自倚能歌曲先皇掌上憐  
新聲何處唱賜斷李延年

思歸樂



萬里春歸盡三江雁亦稀連天漢水廣孤客未言歸

書憤

三十未封侯顛狂遍九州平生鏖卸劍不報小人讐

首陽竹

首陽山上路孤竹節長存為問無心草如何底本根

題僧影堂

寒葉墜清霜空簾著燼香生前既無事何事更悲傷

昭君怨

萬里邊城遠千山行路難舉頭惟見日何處是長安

二

漢庭無大議戎虜幾先和莫羨傾城色昭君恨最多

夕次竟陵

南風吹五兩日暮竟陵城腸斷巴江月夜蟬何處聲

信州水亭

南檐架短廊沙路白茫茫盡日不歸處一庭梔子香

蘇小歌

車輪不可遮馬足不可練長怨十字街使郎心四散

二

新人千里去故人千里來剪刀橫眼底方覺淚難裁

三

登山不愁峻涉海不愁深中擘庭前棗教即見赤心

樹中草

青青樹中草託根非不危草生樹却死榮枯君可知

七里瀨漁家

七里垂釣叟還傍釣臺居莫恨無名姓嚴陵不賣魚

讀曲歌

窻中獨自起簾外獨自行愁見蜘蛛織尋思直到明

二

碓上米不舂窻中絲罷絡看渠駕去車定是無四角

三

不見心相許徒云脚漫勤摘荷空摘葉是底采蓮人

四

窻外山魃立知渠脚不多三更機底下摸著是誰梭

五

郎去摘黃瓜郎來收赤棗郎耕種麻地今作西舍道

玉樹後庭花



輕車何草草獨唱後庭花  
玉座誰爲主徒悲張麗華  
莫愁樂

儂居石城下卽到石城遊  
自卽石城出長在石城頭  
襄陽樂

大堤花月夜長江春水流  
東風正上信春夜特來遊  
自君之出矣

自君之出矣萬物看成古  
千尋葶蘆枝爭柰長長苦  
夢江南

行吟洞庭句不見洞庭人  
盡日碧江夢江南紅樹春

將離岳州留獻徐員外

高齋長對酒下客亦霑魚  
不爲江南去還來郡北居

題彭澤盧明府新樓

碧落新樓迥清池古樹閑  
先賢盡爲宰空看縣南山

贈禪師

坐見三生事宗傳一衲來  
已知無法說心向定中灰  
江南逢故人

河洛多塵事江山半舊遊  
春風故人夜又醉白蘋洲

松江懷古

碧樹吳洲遠青山震澤深無人蹤范蠡煙水莫沉沉

白鼻騮

為底胡姬酒長來白鼻騮摘蓮拋水上即意在浮花

孟遲

題嘉祥驛

樹頂煙微綠山根菊暗香何人獨鞭馬落日上嘉祥

徐波渡

曉月千重樹春煙十里溪過來還過去此路不堪迷

壯士吟

壯士何曾悲悲即無回期如何易水上未歌淚先垂

懷鄭洎 詩中墮空一作隨寒

風蘭舞幽香雨葉墮空滴美人來不來前山看向夕

張喬

對月

圓魄上寒空皆言四海同安知千里外不有雨兼風

夜漁

釣艇去悠悠烟波春復秋唯將一點火何處宿蘆洲

對月



盈缺青冥外東風萬古吹何人種丹桂不長出輪枝  
送友人及第歸海東

東風日邊起草木一時春自笑中華路年年送遠人  
漁家

擁棹思悠悠更深泛積流唯將一星火何處宿蘆洲

武瓘

勸酒

勸君金屈卮滿酌不須辭花發多風雨人生足別離

感事

花開蝶滿枝花謝蝶還稀唯有舊巢燕主人負亦歸

杜荀鶴

感寓

大海波濤淺小人方寸深海枯終見底人死不知心

春閨怨

朝喜花艷春暮悲花委塵不悲花落早悲妾似花身

馬上行

行一作作

五里復五里去時無住時日將家漸遠猶恨馬行遲

釣叟

茅屋深灣裏釣船橫竹門經營衣食外猶得弄兒孫



